



**REPUBLIKA E SHQIPËRISË
KOMISIONI I PROKURIMIT PUBLIK**

Nr. 230/2 prot.,

Datë 01.02.2024

**FORMULAR PËR PUBLIKIM
LIDHUR ME ARSYET E SKUALIFIKIMIT NË RASTIN E ANKESAVE PËR
VENDIMIN E VLERËSIMIT/KLASIFIKIMIT PËRFUNDIMTAR**

Objekt: Shfuqizimi i vendimit të Komisionit të Vlerësimit të Ofertave për skualifikimin e ofertës të paraqitur nga operatori ekonomik “Health&Light” SHPK në procedurën e prokurimit “*Procedurë e hapur mbi kufirin e lartë monetar*”, me Nr.REF-85014-10-24-2023, me objekt: “*Loti 1 - Mirembajtje Pajisje mjekësore prodhues Philips /ose ekuivalent*” me fond limit 88 858 534.38 lekë pa TVSH, zhvilluar me datë 30.11.2023 nga autoriteti kontraktor, Qendra Spitalore Universitare “Nene Tereza”.

Ankimues: “Health&Light” SHPK, me NUIS L42231011L, me adresë: Rruga “Themistokli Gërmenji”, Nd.11, Shk.4, Ap.4, Tiranë

Autoriteti Kontraktor: Qendra Spitalore Universitare “Nene Tereza” me adresë: Rruga e Dibres Nr. 372, Tiranë

Në datën 31.01.2024, pranë Komisionit të Prokurimit Publik, është administruar ankesa me nr. 230/2024 protokollit dhe me numër ankimi elektronik A/2023/3782 e operatorit ekonomik “Health&Light” SHPK për procedurën e prokurimit “*Procedurë e hapur mbi kufirin e lartë monetar*”, me Nr.REF-85014-10-24-2023, me objekt: “*Loti 1 - Mirembajtje Pajisje mjekësore prodhues Philips /ose ekuivalent*” me fond limit 88 858 534.38 lekë pa TVSH, zhvilluar me datë 30.11.2023 nga autoriteti kontraktor, Qendra Spitalore Universitare “Nene Tereza”.

Nga shqyrtimi paraprak i ankesës të sipërcituar, u konstatua se objekti i ankesës lidhet me vendimmarrjen e Komisionit të Vlerësimit të Ofertave mbi skualifikimin e ofertës të paraqitur nga operatori ekonomik ankimues “Health&Light” SHPK.

Bazuar në nenin 112, pika 4, gërma “b” të ligjit nr. 162/2020 “Për prokurimin publik”, ku parashikohet se: “Në mënyrë që ankesa të bëhet e aksesueshme jo vetëm nga autoriteti ose enti kontraktor, por njëkohësisht edhe nga operatorët ekonomikë të interesuar, KPP-ja publikon:

b) arsyet e skualifikimit në rastin e ankesave për vendimin e vlerësimit/klasifikimit përfundimtar;”, Komisioni i Prokurimit Publik do të publikojë arsyet e skualifikimit që operatori ekonomik ankimues “Health&Light” SHPK, kundërshton me anë të ankesës me nr. 230 prot.

Konkretisht në ankesë ngrihen pretendime mbi arsyet e skualifikimit si më poshtë vijon:

Arsyet e skualifikimit:

- Sigurimi i ofertës për Lot 1 - Mirembajtje Pajisje mjekësore prodhues Philips /ose ekuivalent 1 777 170,688 (një million shtatëqind e shtatëdhjetë e shtatë mijë e shtatëmbëdhjetë, presje 688) Lekë. Diferenca ndërmjet ofertës së rënditur në vend të pare, dhe ofertës së rënditur në vend të dytë, është 20 415 450 (njëzet million e katërqind e pesëmbëdhjetë mijë e katërqind e pesëdhjetë) Lekë. Për këtë arsye, bazuar në Rregullat e Prokurimit Publik, miratuar me VKM nr. 285/2021, nuk është i mundur kalimi nga oferta e parë tek oferta vijuese. (Neni 30/8) Gjithsesi, në vijim të rivlerësimit të bërë, pasqyruar si më sipër, KVO konstatoi se pranë AK QSUNT, është administruar raporti përfundimtar i Kontrollit të Lartë të Shtetit, me nr. 175/151 prot., datë 28.12.2023, ku në faqen 225 – 226, si dhe faqen 312, pika 12, ndër të tjera citon se: Për procedurën e prokurimit me objekt: Mirembajtja full risk e pajisjeve mjekësore, për nevojat e QSUNT për 24 muaj, e ndarë në 62 lote, MK...; në ofertën e dorëzuar nga OE Health & Light Shpk., citohet se: ...Pjesët e dëmtuara pas zëvendësimit me të reja, do të merren nga Health & Light Shpk., shënim i cili është në kundërshtim dokumentet e tenderit/Njoftimin e shkurtuar të kontratës...; Për këtë arsye, si dhe duke u bazuar në dokumentacionin e ofertës të këtij OE për Lot 1 si më sipër, në shtojcën 1 “Formulari i ofertës”, operatori ekonomik ka paraqitur, ndër të tjera, shënimet vijuese: “1-Pjesët e dëmtuara , të cilat do të zëvendësohen me pjesë këmbimi të reja, do të merren nga Health & Light sh.p.k. 2-Përsa i përket kërkesës në pikën 7 të specifikimeve teknike, mirëmbajtja korrigjuese: Shoqëria e kontraktuar do mundësojë të paktën një herë për secilën pajisje të grupit të pajisjeve lëvizjen, spostimin, çmontimin dhe rimontimin nëse kjo kërkohet nga Autoriteti Kontraktor, Ju bëjmë me dije se po ruajmë këtë çmim duke ditur që pajisjet janë transferuar së fundmi dhe nuk do të spostohen më. Përsa i përket rezonancës magnetike, është e pamundur që të transferohen dhe kjo nuk ndodh në asnjë vend të botës. Përgjegjësinë për to e mbani ju. Kjo është një procedurë për mirëmbajtjen e pajisjeve dhe nuk kanë lidhje me zhvendosjen dhe nuk është klauzolë e trashëguar nga një kontratë e mëparshme

për këto pajisje.” Lidhur me parashikimin se “1-Pjesët e dëmtuara , të cilat do të zëvendësohen me pjesë këmbimi të reja, do të merren nga Health & Light sh.p.k.”, KVO në zbatim të rekomandimit të KLSH për këtë parashikim, si dhe referuar kontratës së shpallur në këto DT, lloji i mirëmbajtjes është ‘full risk’ që do të thotë që OE I shpallur fitues, duhet të mbulojë të gjitha defektet e pajisjes e cila është në regjim mirëmbajtje sipas termave të references, ku përfshihen edhe pjesët e këmbimit. Bazuar në Ligjin nr. 162, date 23.12.2020 “Për Prokurimin Publik”, Neni 92 ‘Shqyrtimi i ofertave’, pika 3 ku parashikohet se: 3. Autoriteti ose enti kontraktor, në zbatim të pikës 4 të këtij neni, vlerëson një ofertë të vlefshme vetëm nëse ajo është në përputhje me të gjitha kërkesat dhe specifikimet e përcaktuara në njoftimin e kontratës dhe në dokumentet e tenderit, pa rënë ndesh me përcaktimet e nenit 38 të këtij ligji, si dhe parashikimet e VKM 285, date 19.05.2021 “Për Miratimin e Rregullave të Prokurimit Publik”, te ndryshuar, neni 82, pika 2, ku citohet se: 2. Komisioni i vlerësimit të ofertave verifikon dhe vlerëson ofertat e dorëzuara, duke kualifikuar vetëm ato oferta që përmbushin kërkesat për kualifikim, të përcaktuara në dokumentet e tenderit dhe janë të përgjegjshme/vlefshme. Një ofertë e përgjegjshme/vlefshme është ajo që plotëson kërkesat e dokumenteve të tenderit pa devijim material, rezervë ose mospranim, siç përcaktohet më poshtë: i. “devijimi” është shmangia e ofertuesit nga kërkesat e specifikuara në dokumentet e tenderit; ii. “rezervimi” është përcaktimi, nga ana e ofertuesit, i kushteve kufizuese ose ndalimi nga pranimi i plotë i kërkesave të specifikuara në dokumentet e tenderit; dhe iii. “mospranimi” është mosparaqitja e një pjese ose e të gjithë informacionit ose dokumenteve të kërkuara në dokumentet e tenderit, oferta e paraqitur nga OE Health & Light Shpk., për këtë procedure prokurimi, është në kushtet e ‘mospranimit’ dhe ‘rezervimit’ të termave të references së parashikuar në DT duke marrë mbrapsh pjesët e këmbimit që zëvendësohen nga pajisjet mjeksëore, për këtë arsye kjo ofertë e pavlefshme..”

Publikuar në rregjistrin e ankesave më datë 01.02.2024.

KOMISIONI I PROKURIMIT PUBLIK

Nënkryetar
Fiorent Zguro

Anëtar
Kreshnik Ternova

Anëtar
Anila Malaj

Kryetar
Jonaid Myzyri